

3584/P

DISSERTATIO
MEDICA INAUGURALIS,
DE
VINIS LITHARGYRO
INFECTIS,
ET COLICA PARETICO CONVULSIVA
EXHAUSTU EORUNDEM ORIUNDA,

QVAM
JUSSU ET AUCTORITATE GRATIOSI MEDICORUM
IN ACADEMIA GRYPHICA ORDINIS,
PRO
SUMMIS IN ARTE MEDICA HONORIBUS
JURIBUS ET PRIVILEGIIS DOCTORALIBUS
OBTINENDIS,

ANNO MDCCXLV. MENSE APRILIS
ERUDITORUM CENSURÆ EXHIBUIT
HENRICUS GEORGIUS MATTHISSEN
MED. PRACTICUS HAMBURGENSIS.

IMPRIMEBAT HIERONYMUS JOHANNES STRUCK.

12



ORIGINAL
OF THE
WELLCOME LIBRARY
INSTITUTE
OF MEDICINE
AND NATURAL HISTORY
OF GREAT BRITAIN
AND IRELAND
FORMED BY THE
MERGER OF THE
LIBRARY OF THE
WELLCOME TRUST
AND THE
LIBRARY OF THE
WELLCOME FOUNDATION
IN 1913
THE LIBRARY
IS NOW
OPEN TO THE
PUBLIC
ON MONDAY
TO FRIDAY
10 AM TO 5 PM
AND ON SATURDAY
10 AM TO 4 PM
ADMISSION FREE
EXCEPT FOR
SPECIAL EXHIBITIONS
WHICH MAY BE
CHARGED
BY THE
LIBRARY



PRÆLOQVIUM



orbos inter, qui corpus affligunt humanum, nullus est, qui tam frequenter virulentiam suam in illud edit, quam quidem ille, quem nomine colicæ medici insignant. Multa autem colicæ prostant genera, prouti nempe causæ, quæ eandem produxerunt, variant. Ita enim colica originem potest trahere, a cruditatibus pituitosis, acribus, biliosis, flatibus, congestione sanguinis versus intestina, ejusdemque in illorum tunica vasculosa stagnatione, quæ congestio in primis accidit plethoricis, hypochondriacis, & illis, qui fluxum experiuntur hæmorrhoidalem; quæque ideo etiam colica nominatur hæmorrhoidalis. Porro inflammatio ventriculi & intestinorum, calculus in ureteribus hærens, potus frigidus, re-

A

frige-

IV.

frigeratio totius corporis & pedum, copiosa ingestio fructuum horreorum, suppressio excretionum naturalium, tumores intra corpus retro-pulsi, spasmi mesenterii, cetera, colicam excitare valent. Nullum vero genus colicæ tam asperrime sævit, quam quidem illud, quod vino cum Lithargyrio mixto, natales suas debet, cuique a quibusdam nomen COLICÆ PARETICO-CONVULSIVÆ, ab aliis COLICÆ SATURNINÆ, ab aliis vero OENAGRÆ imponitur. Consulatur LENTILIUS in *Fatromnematibus* pag. 65.

Innotuit hic morbus in primis creberrime, annis elapsi seculi 94, 95, 96, cum in Ducatu Würtenbergico, & vicinis illius regionibus, Vinum optimum Neckeranum, ob deprædationem Gallorum, & ingurgitationem illius copiosam, ab incolis quæ fuerat instituta, carum partim fieret; partim vero etiam ob frigidam, & proventui bono hujus vini minus aptam tempestatem, naturam acidam & austeram hocce vini genus indueret. Quare quidam, qui ex venditione illius lucrum quærebant, quo illi gratum ac dulcem conciliarent saporem, & magnum quæstum ex eodem facerent, cum lithargyrio, pessimo sane ausu, vinum hoc commiscebant, & adulterabant. Iisdem malis iterum onerabatur, atque obruebatur com-
memo-

memorata antea regio, anno præsentis hujus
 sæculi quinto, cum magister quidam Vietor, qui
 vero postea meritas pœnas delicti STUTTGARDIÆ
 dedit, vina acida & austerâ lithargyriata solutione
 dulcificaret, & venum exponeret. Verborum
 quadam circumscriptione rem hanc comprehen-
 derunt, EBERHARDUS GÖCKELIUS in der *curi-
 eusen* Beschreibung des im Jahr 1694. 1695 und
 1696 durch das Silberglett versüßeten sauren
 Weins, und der daher entstandenen und vormals
 unerhörten Wein-Krankheit. Ulm. 1697. 8. nec
 non in GALLICINIO *Medico-practico*, Ulmæ 1700.
 in quarto edito. CONRAD VICTOR JÆGER-
 SCHMIDIUS, *Præcticus Giengensis*, in libro de *Colica
 Spasmodica & paresi ex vino, sive detracta mercurii
 larva, sub Schemate lithargyrii* 1698. ZELLERUS,
 Medicinæ olim Professor in Academia Tubingensi,
 in dissertatione, *de vini lithargyrio mangonisati do-
 cimasia* 1707. REISELIUS, & BRUNNERUS, in *Ephe-
 meridibus naturæ curiosorum*, ROSINUS LENTILIUS
 in *Fatromnematibus*, a pag. 65 ad 67.

Cum vero hæc methodus, vina, & Spiri-
 tum vini, qui ex Gallia affertur, Lithargyrio
 tingendi, partim apud multos, qui cum his
 liquoribus mercaturam exercent, nondum,

quod est dolendum, in oblivionem venit; partim etiam scripta, paulo ante commemorata, ob diuturnitatem temporis, quo lucem aspexerunt publicam, in paucorum versentur manibus; non a scopo meo alienum fore existimo, si de methodo illa malefica, vina lithargyrio tingendi, & colica paretico-convulsiva, ex haustu venenati hujus vini oriunda, speciminis inauguralis loco, quædam comemorem & exponem. Quod, ut eo melius perficiam, *Primo*, de actione venenosa corporum Saturninorum, in primis lithargyrii, respectu corporis humani, agam. *Secundo*, causas actionis hujus venenosæ delineabo. *Tertio*, modum & rationem, qua vina acida, austera & corrupta, ex admixtione lithargyrii iterum sapida & dulcia, & spiritus vini lutei facti, iterum clari-ores & spumantes, (*Perlendt*) reddi possint, tradam. *Quarto*, methodum, cujus ope, hac arte nefanda ac detestanda, corrupta & dulcificata vina, & spiritus vini, possint cognosci & explorari, indicabo. *Quinto*, Mala, quæ ex haustu horum liquorum venenatorum oriuntur, symptomata, enumerabo. *Sexto*, de methodo, hæc symptomata medendi, non solum ero sollicitus, sed etiam cautelas quasdam, tam ratione medicamentorum, in hoc morbo adhibendorum, quam etiam diætæ, suppe-

suppeditabo; & denique *Septimo*, artificium, quo interveniente, omnia fermentata, sive, ut mihi ita loqui liceat, morbosa & corrupta facta vina, non detestando, & corpori humano innoxio modo, naturam ac indolem optimi & grati vini, acquirere iterum valeant, detegam atque exhibebo.

§. I.

Plumbum, & ex eodem præparata corpora pharmaceutica, in primis vero lithargyrium, in corpus humanum delatum, effectus edere, veneno quoad omnia similes, non solum multi adfuerunt Medici, tam veteres, quam recentiores, e. c. AVICENNA, DIOSCORIDES, AËTIUS, FERNELIUS, (qui in tractatu de *lue venerea* mentionem injecit empirici, qui plumbi pulverem adversus arthritidem commendavit, quo, ad sesqui liberam assumpto, ægrotus primum Dysenteria crudeli; deinde, hac cessante, ventris gravissimis rosionibus & torsionibus, cum contumacissima ventris adstrictione, virium debilitate, appetitu dejecto, incendio interno, & tandem ictero, correptus fuit,) SENNERTUS, PARAEUS, KIRCHERUS, STOCKHUSIUS, TIMAEUS a GÜLDENKLEE, WEDELIUS, LINDESTOLPIUS, COHAUSEN, alique; sed etiam quotidiana confirmat experientia; siquidem eadem edocemur & convincimur, homines illos, qui multum cum plumbo habent negotii, quales sunt figuli, multis & gravissimis morbis, paralyfi nempe, Pthisi, Intestinorum doloribus, cum angustia præcordiorum, & spirandi difficultate, membrorum contractura, articulorum debilitate, summa virium deminutione, alvo pertinacissima clausa, aliisque, corripitur. Vid. RAMAZINUS in *operibus omnibus medico-physiologicis* pag. 287. & 288; LINDESTOL-

VIII.

DESTOLPIUS *de venenis* pag. 433. & 434. not. M: Quique simul pro certo statuit, venena saturnina, vino immissa, efficere sterilitatem, veneris obliviscentiam, flacciditatem membri virilis, vigorisque naturalis consumptionem. Quod ipse in amico quodam 1708. Stockholmiæ fuit expertus.

§. II.

Præcipue vero morbis, Saturno originem debentibus, expositi sunt illi, qui mineras Saturninas igne tractant, urunt, calcinant, fundunt & separant. Hæc enim dum perficiuntur, plumbum non solum de se spargit fumum subdulcem, crassum, coloris ex albo flavescentis; sed etiam plumbum ipsum, omnimode in fumum converti & transmutari potest (per exp.) Hicque fumus germanice vocatur *Sünnenrauch*; quem vero nihil aliud esse, quàm plumbum, in minutissimas particulas solutum, exinde elucescit, quia ex fornacibus & officinarum parietibus separatus, verissimum plumbum, citra notabilem ponderis diminutionem, debita nempe instituta liquefactione, reddit.

§. III.

Fumus hic (§. 2.), tempore nebuloso, minus sereno, præfertim circa noctem, propter insignem suam gravitatem descendit, aërem inferiorem replet, sicque per pulmones attractus, & in os cum saliva deglutitus, ubi instar Sachari saturni, saporem præ se fert dulcem, abit ad ventriculum, & ad intestina, ubi horrenda symptomata excitare solet.

§. IV.

Omniū maxime producit & gignit morbum spasmodicum, tormina summe convulsiva, cum alvi adstrictione pertinacissima, quique morbus nomen habet *die Sünnenkrasse* sive *Sünnenkrankheit*; quia nempe intolerabilis illi intestinorum cruciatus, ægrotantem nonnunquam rabiosam felis circumgyrationem imitari cogat. Illis hominibus aliquando nec standi, nec sedendi datur potestas; inquieti huc atque illuc moventur, lecto si aliquantum incubuerint, terram vicissim repetunt, unguibus

guibus eam rodunt, immanes ventris dolores patiuntur, cum sudore nonnunquam frigido, & lipothymia: Complicatur hisce statim vehementissima alvi constipatio, ita, ut nihil flatuum, ne dum excrementorum, per anum habeat exitum: Purgantia omnia, irrita effecta propinantur, & malum sæpius exasperant: Superveniunt cardialgiæ syncopticæ, vomitus, febres lentæ, & tandem, si morbus diu duraverit, accedunt etiam convulsiones musculorum, contracturæ, item paralyfes manuum, pedumque.

§. V.

Morbus hic, (§. IV.) quasi proprius est Clausthali, Zellerfeldi, nec non Hartzgerodæ; quibus locis mineræ saturninæ tractari solent, omnibus operariis, qui vel in fodinis plumbarium metallicum lapidem pulvere pyrio separant, extra fodinas illum urunt & liquefaciunt, vulgo *Süttenleuten*, & qui fornacibus separatricibus, vulgo *Treibe-Ofens*, præsent: vel magis adhuc illis, qui lithargyrium ponderant, vulgo *Glettwegern*: a cujus fumo copioso, & polline per halitum excepto, mirum in modum læduntur, & memoratum morbum (§. IV.) incurrun. Ex quibus omnibus quam certissime elucet, lithargyrium optimo cum jure, venenis mineralibus annumerari posse.

SCHOLION.

Lithargyrii, varia a Chemicis constituuntur genera; alii enim duo enumerant, nempe ARGENTEUM, quod coloris albi, & AUREUM, quod coloris est flavi. (SCHRÖEDERUS *in pharmacopœja chemica* pag. 462.) Alii plura adducunt, nempe 1) Quod fit, quando argentum e plumbo separatur. 2) E mixtura auri & plumbi. 3) E mixtura plumbi & argenti. 4) E mixtura auri & argenti 5) Ortum ex aere & plumbo. 6) Recrementum lithargyrii ceruleum, quo utuntur figuli. Communi vero loquendi modo, lithargyrium denotat, *corpus quoddam metallicum, non sponte quidem nascens, sed in secundis fornacibus emergens, dum plumbum, vel ejus arena, ab argento aut auro sæcernitur.* CASTELLI *Lexicon Medicum* pag. 551 & 552.

§. VI.

Symptomatum vero horum omnium, (§. I. IV.) quæ fumus Lithargyrii, &, quod omnino largiendum, lithargyrium etiam ipsum producit, ratio, quam optime elici & erui potest, ex Saturni singulari textura mechanica. Plumbum enim de mercurio multum participat: (prin. chem.) Hinc etiam est gravissimum, quin imo testantur omnes Chemici, Mercurium vivum, mediante beneficio variorum admixtorum salium, prævia quasi facta subtilisatione & digestionem, e plumbo destillari posse. Ob mercurialem hanc naturam, facile cedit in auram, & vehementissimo ignis motu, in minimas resolvitur particulas, quæ tamen ob molem & gravitatem suam majorem, non tam promte ab aëre ambiente sustentari possunt; hinc descendunt ad inferiora, & collectæ, fumum crassum, flavescentem, saporis dulcis, constituunt, qui deglutitus, advehitur ad ventriculum & intestina; partim gravitate sua, partim etiam tenuitate mercuriali, non solum adhærescit membranis, seu tunicis illorum, verum etiam intimius poros tunicarum nervearum & musculosarum penetrando, obstructions in istis efficit, simulque fibras istas nerveas & musculosas fortiter lancinat, irritat, rodit, ut adeo liquidum nerveum fibras illas incolens, magno impetu & copia ad has partes feratur; quod, quoniam propter pororum obstructionem, non æqualiter in circulum ferri & moveri potest, fibras patentes nimium inflat, distendit, contrahit, sicque spasmus, constrictionem harum partium, simulque crudelissimos dolores, qui saltem debentur spasmodicæ harum fibrarum contractioni, progenerat. Validissimæ porro huic tunicarum intestinatorum & ventriculi constrictioni, adscribenda etiam sunt cetera symptomata, nimirum vomitus, cardialgiæ, anxietates, alvi, urinæ, flatuum suppressiones, intestinatorum inflammatio &c.

§. VII.

Particulæ porro saturninæ, ore exceptæ, & ad ventriculum delatæ, cum succo chyloso abeunt etiam per poros intestinales, & venas lacteas, ad ipsam cruoris & humorum massam: In
transitu

transitu, vasa lactea & meseraica, cum tempore occludunt, & obstruunt. In sanguine & humoribus hæ particulae saturninae, vectae ad partes, propter specificam gravitatem, qua præponderant omni fluido corporis nostri, facile secedunt, & præcipitantur, sicque tubulos partium solidarum vasorumque angustissimorum, poros cutis constipant, & obstruunt: unde atrophiae, aridurae partium, & cachexiae, subnascuntur. Cum succo lymphatico, ad nervos, tendines, ligamenta, delatae hæ particulae, in angustissimis illorum tubulis valde facile quoque hærent, stagnant, ibidemque tam obstruendo, quam irritando, dolores, spasmos, spirituum animalium interceptiones, & inde paralyfes, & contracturas producunt.

§. VIII.

Quod vero Lithargyrium, ejusque partes, substantialiter ex ventriculo ad ipsum sanguinem deduci possint, inter alia elucet exinde; quod urinæ illorum, qui morbo metallico laborant, incoctæ, prævia decenti tractatione & fusione, præbeant quantitatem veri plumbi. Et quod ulterius saturninae particulae & minutiae, fibrarum nervearum poris insinuatae, paralyfin & contracturam, partibus illis adferre queant, observationes testantur. Sic a Sachari Saturni immodico usu, paralyfin observavit IOHANNES RHODIUS. Videantur *observationes* ejus, *Centuria III. observatio X.* ut & BORELLUS, *Centuria IV. observatione XXXII.* Debeo hæc, illustris quondam HOFFMANNI dissertationi *de metallurgia morbifera.*

§. IX.

Omnia hæc, (§. VI. VII. VIII.) majorem in modum contingere, si lithargyrium solutum, immediate in corpus humanum fuerit delatum, unusquisque facile valebit penetrare. Adeoque ex his, omnia, quæ de effectu immani vini lithargyrisati, (§. XVIII.) erunt proferenda; explicari destincte, & quam optime resolvi possunt.

Varios autem quidam, omni flagitiorum, scelerumque conscientia merfi homines, & vini mercatores, invenerunt modos, ad vinum corruptum, acidum, austerum, insipidum, iterum gratum, sapidum ac dulce, reddendum. Artificium certe, quod in detrimentum & incommodum multorum non solum hominum, sed fere totius generis humani, fuit excogitatum. Quidam enim, vino corrupto, acido & austero, certam quantitatem lithargyrii, in pulverem redacti, commiscent; & tamdiu hanc mixturam seponunt, usque dum vinum illud cum lithargyrio intime mixtum, & ab hoc saporem dulcem consequutum fuerit. His factis, infundunt hunc liquorem dolio recenter sulphurato: sive, quod non diu ante fumo sulphuris fuit reptelum; (ziehen ihm auf ein frisch geschwefeltes Faß) & si claritas justa illi fuerit conciliata, (Sackelschön geworden) venditioni exponunt. Alii vero recipiunt lithargyrii pulverisati uncias sex. His vasi comissis, affundunt libras tres, & uncias quatuor, aceti vini optimi; incoquunt usque ad remanentiam partis quartæ, tuncque vitro, aut vasi vitreato æneo indunt: Dinde, huic liquori addunt libras tres & uncias quatuor vini cujusdam optimi, e. c. malvatici, parum ebullire sinunt, per chartam emporeticam trajiciunt, & in vitro optime clauso, usui servant: Alii iterum marcasitæ & bismuthi eandem quantitatem, quam de lithargyrio posuimus, huic adhuc addunt, & ita formulam hanc majorem, & pejorem adhuc reddunt. Alii denique, solum sacharum Saturni, sine in antecedentibus commemorato, vinis admiscent.

§. XI.

Liquoris, (§. X.) guttulæ decem, quindecim aut viginti, vitro, unciis tribus aut quatuor vini corrupti, repleto, infundunt, opeque stili pennæ cujusdam, sive bacilli lignei parvi, agitant fortiter, ac postea tam diu reponunt, usque dum vinum factum fuerit clarum, & pellucidum. Sique magnum dolium, vino corrupto repletum, sive ein Württembergisches Eimer Weins, quod continet 160 grosse Eichmaß, cum hoc liquore debet tingi, liquoris illius (§. X.) uncia sex requiruntur. Et hac ratione, vinum
austerum,

austerum, acidum, et adstringens, per præcipationem particularum tartarearum, ac acido vitriolicarum mutatur, ut naturam grati, dulcis, & optimi vini, induat.

§. XII.

Ex his, juxta normam maleficam & impiam indicatam, (§.X. XI.) venenatis & adulteratis vinis, corpori humano quam maxime perniciosum potulenti genus ortum suum ducit. Quodsi enim ex iisdem spiritus vini secundum regulas artis elicitur, hic eadem labe saturnina infectus existit, si quidem sub destillatione illius vini lithargyriati, partes quædam lithargyrii volatiles alembicum simul transcendunt, & ejusmodi spiritum venenosum reddunt. Ita quoque Spiritus vini bonæ notæ, luteus tamen factus, simili miasmate saturni inficitur, quando per saccharum saturni tunc clarificatur, & bullulas spumamque formare cogitur.

§. XIII.

Sicuti nunc varia excogitata fuerunt remedia pestifera, ad vinum corruptum in melius mutandum (§. XI.); ita & varia detecta iterum sunt & patefacta auxiliorum genera, quibus intervenientibus, vina illa adulterata & venenata quasi, cognosci & explorari possunt. Inter hæc eminet in primis, quod sequentem in modum componitur, remedium:

R E C I P E

Calcis vivæ unciam 1, auripigmenti unciam semis. Subtiliter pulverisata & inter se invicem mixta, immitte cucurbitæ, & super affunde aquæ fontanæ uncias 5. 6. vel 10: Claude cucurbitam sedulo, cera eam obturando, & vesica suilla operiendo: Digeratur calore ignis leni, per 10. 12. 20. & plurium horarum spatium: Cucurbitam interdum agitando; postea vero, cum pulvis subsederit, liquor clarus decantetur, sive per filtrum trajiciatur. Vocatur hic liquor ATRAMENTUM SYMPATHETICUM.

Animadvertendum vero, quod liquor (§. XIII.) delineatus, tam in præparatione, quam etiam tunc præsertim temporis, quando mediante illo, examen vini lithargyrio dulcificati instituitur, ille exhalationes maxime sulphureas, & fortissime foetentes, emittat; quæ capiti, pectori, & liquido nerveo magnas inferre possunt noxas. Quare præstat, tam præparationem hujus liquoris, quam etiam examen cum illo instituendum, tali loco perficere, in quo omnia patent, aërque libere omnia pervagari potest. Porro, liquor est valde volatilis, facileque in auras avolat, quare vas, in quo asservatur, optime debet esse clausum, quo accessus aëris impediatur: Nam hoc non observato, vis illius omnis perit. Et in genere pro certo tenendum, quod, quamvis hic liquor per multos menses, viribus integris possit conservari, nempe paulo ante commemorata cautela, observata: Attamen quo recentior ille est, eo melius illo vina adulterata & lithargyrio mangonifata patefieri possunt.

§. XIV.

Si itaque cum liquore (§. XII.) descripto, experimentum dictum faciendum, infundantur circiter unciae duæ vini, in vitrum clarum & optime depuratum; ac instillentur dein guttulæ 5. 10. vel 20. liquoris illius. Si in vino nil fuci saturnini reconditum fuerit, sub initio equidem mixtionis, præsertim si liquor cum vino aliquantulum agitetur, sedimentum ex albo flavidulum deponet, & evadet turbidum vinum; hæc vero ultima mutatio non diu perdurabit, sed reliquus vini color intemeratus manebit, qualis antea fuit. Et hæc momentanea & non permanens mutatio vini boni & optimi, accidit sæpius, aut major aut minor, secundum nempe differentiam diversorum vinorum. Ex qua autem nil mali concludere licet, nisi color vini naturalis, valdopere fuerit immutatus. Quando vero color vini ita mutatur, ut pro fuci proportionem, vel rubeat magis vinum, vel fuscum, immo in recenter adulteratis plane nigrum induat colorem; certissimum est, vinum cum lithargyrio, aut aliis e saturno paratis corporibus, esse adimpletum ac refertum. Et, licet interdum, si liquor hic vinis etiam optimis, & non adul-

teratis

teratis fuerit affusus, aliqualis decessus a colore eorundem naturali deprehendatur, idemque ad album & pellucidum vergat colorem; attamen hæc coloris mutatio, nullam adulterationem vini indicat atque demonstrat, nisi simul præsto sint antea dicta criteria. Non solum autem hic liquor præsentiam lithargyrii, aliorumque corporum plumbeorum in vino, sed etiam in aliis liquoribus, e. g. lacte, urina, sanguine, vitello ovi, ejusque albumine, item aceto, spiritu vini, hydromelle, syrupis variis, ceteris prodit, ita, ut si his liquoribus nil saturnini insit, illi etiam a liquore commemorato nullam subeant mutationem: Lithargyrii vero liquore inquinati, pro inquinamenti enormitate, plus vel minus colerentur, immo nigrescant. (LENTILIUS *loco citato pag. 68.*

SCHOLION.

Phænomeni hujus (§. XIV.) rationem, LENTILIUS sequentem in modum, verbis sane egregiis expressit: „Dulce sulphur saturninum „in lithargyrio vini acorem absorbet, particulas vero metallicas, „in forma pulveris albi præcipitat, unde vinum nanciscitur gratam „dulcedinem, ut, quam erat ante, nunc potabilius evadat. Quam „primum autem sulphur auripigmenti per se valde subtile, ab alcali calcis vivæ magis exaltatum & evolutum, adulterato vino „admiscetur, ratione affinitatis & symbolismi cum sulphure metallico faturno lithargyrii fernet unit, & cum in liquore lithargyrii adhuc lateat acidum occultum, in altera auripigmenti vero „solutione alcali quoddam volatilite, hæc duo utrisque sulphurebus juncta, colorem dant vel rubrum, vel fuscum, vel nigrum. „Dum interim hæc sulphura junguntur, portionem terrearum & „metallicarum plumbeorum reliquias, in forma pulveris ex albo „flavescentis, ad fundum deturbant.

§. XV.

Pari ratione vinum lithargyrio contaminatum patefaciunt.

- 1) *Oleum vitrioli rectificatissimum*, cujus guttulæ decem aut duodecim instillantur unciiis vini tribus, aut quatuor: Sique vinum sit turbidum, instar lactis ebutyrati, signum est vini lithar-

XVI.

lithargyrio venenati. Si autem vinum retinet pristinam suam claritatem & colorem, statuendum est contrarium. Observavit vero LENTILIUS *loco citato p. 69.*, oleum vitrioli, methodo commemorata, in vinis recenter lithargyriatis officium suum saltem præstitisse, id est ea fecisse turbida, sed in vinis post fucum jam semel, bis, vel frequentius defecatis, nil præstasse.

- 2) *Ovum gallinaceum recens exclusum.* Hoc enim si vino immittitur, tumque acquirit colorem nigrum, vinum saturninis particulis est corruptum: Si autem colorem suum conservat naturalem, optimum, nonque adulteratum esse, indicat. (GOKELIUS *loco citato pag. 19.*)
- 3) *Solutiones Sulphuris cum alcali, e. c. calce viva, sale tartari factæ, & Liquor fumans BOYLEANUS.* (LENTILIUS *pag. 69.*) Hæ in vinis saturninatis, lactescentem producunt & gignunt colorem; & denique
- 4) Medicus quidam, sequentem liquorem, vinorum lithargyrio infectorum manifestandi causa proposuit.

R E C I P E.

Calcis vivæ & Salis Tartari, vel cinerum clavellatorum ana. Calcinentur invicem, sed igne adeo temperato, ne fluorem patiantur, & instar pulveris igniti spatula agitari possint. Impenditur huic negotio hora circiter una, exempta postea materia & cum aqua communi soluta, filtratur, atque ad mellaginem evaporatur.

Hujus liquoris pro vini quantitate, guttæ 10, 20, 30. vino adulterato instillantur, fucō tam per turbationem, quam per præcipitationem semet prodente; & quo crassior fucus, eo turbidius fit vinum, quod vero non fucato, non accidit. (LENTILIUS *loco citato pag. 70.*) Qui vero simul asserit, experimentum cum hoc liquore, nisi in vinis recentissime & enormiter fucatis, succedere.

§. XVI.

Simili ratione spiritus vini a vino lithargyriato per destillationem abstractus, eodemque veneno saturnino imbutus, explorari potest. Si enim ille cum liquore commemorato (§. XIII.) commiscetur; eodem modo, qui propositus fuit (§. XIV.), facili opera animadvertere erit licitum, tam spiritum vini, primo mediante destillatione, qui fuit abstractus, quam etiam, qui secundo loco transiit, in colorem rubellum mutari. Hoc vero non accidit spiritui vini, qui ex vino, lithargyrio quod non est corruptum, paratur.

§. XVII.

Eadem (§. XVI.) etiam animadvertuntur, quando frustulum linteaminis oblongi, quod per sulphur fustum pertractum, & postea cum Marcasita constrictum est, vino fuerit immixtum (mit rothen und marcasit bestreueten Schwefel eingebrandt), hocque vinum cum liquore (§. XIII.) examinetur: Tunc enim valde aucto eorundem colore, præsentia partium metallicarum marcasitæ manifestatur. Idem experimentum succedit etiam, si lutei facti (gelb gewordene) Spiritus vini, cum illo ex familia Saturni oriundo sale, sacharo saturni nempe clarificati, bullulas spumamque formare coacti fuerunt. (Perlendt gemacht werden.)

§. XVIII.

Omnibus adeo illis, quæ in præloquio a num. I. ad V. promissi, pro modulo ingenii mei ad liquidum deductis, jam ordinis ratio a me exigit, instituere recensum symptomatum illorum, quæ haustum vini Lithargyrio contaminati, pressio ut dicunt pede insequuntur, quæque partim sunt eadem, quæ de morbo, qui vulgo Hüttenfäse nominatur in (§. IV.) exposuimus; partim vero si in unum colliguntur, nomen Colicæ Paretico - convulsivæ, Spasmodico - convulsivæ, & Oenagræ gerunt.

§. XIX.

Non autem symptomata omnia, quæ ex assumpto vino, lithargyrii sive saturni particulis, quod fuit repletum, in corpore gignuntur humano, uno eodemque tempore & simul, sed potius successive illud affligunt: Primo enim adfunt tormina non valde ferocia in abdomine, progressu vero temporis adeo augentur, ut colica spasmodica acerbissima, cum dyspepsia, adstrictione alvi, doloribus capitis multis, eructationibus nidorosis, sapore ingrato, angustia præcordiorum, vomitu, asthma-
te, & lassitudine artuum oriatur. Deinde hæc non solum majori vi ac virulentia ægrotum excruciant; sed etiam succedit raucedo, icterus, corporis intumescencia, dolores lancinantes articulorum, & Paresis extremitatum, tam superiorum, quam inferiorum. Et denique ex convulsionibus fortissimis ægrotus mortem obit. (LENTILIUS *l. c. pag. 71.* GOCKELIUS *l. c. pag. 10. 16.*)

§. XX.

Si autem vinum lithargyrio inquinatum, in corpus humanum fuerit ingestum, quod sæpius spasmis infimi ventris vexatur; quale est hypochondriacorum, omnia symptomata (§. XIX.) redduntur pejora ac deteriora.

§. XXI.

Symptomata illa (§. XIX.) enarrata, fixa si in memoria teneantur, Medicus sagax & prudens facile animadvertet discrimen, quod intercedit colicam, ab haustu vini lithargyrio malignisati; & colicam, ab aliis causis (Præloq.) excitata quæ fuit.

§. XXII.

Ad morbi vero hujus, sive symptomatum illorum (§. XIX.) enarratorum, motus effrenatos cohibendos, reprimendos atque compescendos, varia a medicis laudata & adhibita fuerunt medicaminum genera; quæ omnia eo sunt directæ, ut I. Dolores immanes & intolerabiles intestinorum dissipentur; II. Alvi fortissima constrictio solvatur, illaque fluida fervetur; III.

III. Materia peccans e corpore educatur. IV. Contracturæ & paralyfes abigantur, & denique V. Diæta conveniens adhibeatur.

§. XXIII.

Dolores immanes & intolerabiles intestinorum lenire & supprimere valent Clysteres, ex meris fere oleis, ut oleo lini, recenter expresso, oleo olivarum, Chamomillæ, Anethi, quippe quæ egregiam habent vim antispasmodicam (SCHUTZ IUS in *prælectionibus ad dispensalortum B. B. pag. 201. 202.*); ut & ex herbis emollientibus, lacte, decocto hordei, parati. Ex his enim composita enemata, fortiter nimis constrictas, & spasmodice contractas fibrillas intestinorum, relaxant, & poros eorundem aperiunt. Potest etiam Clysteribus his in pauca quantitate pro re nata admisceri, Spiritus vini camphoratus, Spiritus salis ammoniaci, & Vinum Hispanicum: Nam hæc partibus læsis egregium non solum adferunt solatium, sed & easdem simul demulcent. Interne eximiam præbent utilitatem juscula & brodia, ex animalibus pinguibus parata, & cum oleo amygdalarum dulcium commixta e. g.

RECIPE.

*Olei amygd. dulc. unc. 2. vel 3. Brodii vel jusculi gal-
linacei unc. 4. vel 6. M. D. ad poculum. D. S. linderns
des Träncklein auf einmahl;*

quod semper bihorio præterlapso iterum hauriendum, usque dum dolorum ferocia facta fuerit remissior. Si vero dolores valde urgeant, addi possunt guttulæ aliquot Laudani Opiati, vel laudani liquidi Sydenhami, vel grana aliquot correctoris Starckeyani; imo ipsius Camphoræ. Quodsi autem symptomata valde sæviant, externe conveniunt unguenta ex oleo amygd. dulc. oleo carvi, anethi, Chamom. Laurin. N. M. express. Ment. Mastich. Hyosciam. confecta; quibus totus venter calide inungendus est. Et si denique symptomata tam ferocia reddantur, ut etiam medicamenta, magnis viribus alias prædita, eadem supprimere non valeant, balnea, ex herbis nervinis, antispasmodicis, confecta, sæpe effectum salutarem & exoptatum præstant.

præstant. Et hæc simul vomitum, nauseam, & dolores ventriculi curant.

§. XXIV.

Alvi constricti relaxatio, fortioribus purgantibus, qualia sunt resinosa, & acria, non tentanda; quippe quæ spasmodicas intestinorum contractiones, & symptomatum vehementiam augent, sed potius Clysteres injiciendi sunt, ex decoctis emollientibus, oleo & lacte, qui componuntur; quibus addi possunt leniora quædam laxantia & stimulantia, ut sal commune, sal Seidllicense, Sapo, Rhabarb. Pilul. Balsam. solutæ &c. Sique hi clysteres, prima vice injecti, operationem suam debitam non exerunt, injectio eorundum per tres, quatuor, & quinque vices repeti potest, usque dum effectum desideratum edunt. Interne, alvo per clysteres soluta, porrigi possunt infusum rosarum solutivum vel laxativum, solutio mannæ, Rhabarbarum, Pilulæ ex gummatibus lenioribus, quales sunt Pilulæ gummosæ evacuantes SYLVII, Marocostinæ, sive extractum marocostinum. (SCHULTZIUS loc. cit. pag. 193.). Porro Passulæ Rhabarbarinæ, & Electuar. Tamarind.

§. XXV.

Hæcque (§. XXIV.), alvum semel apertam, non solum conservant, sed etiam materiam peccantem e corpore educunt. Ad scopum vero ultimum obtinendum sequens etiam concinnari potest mixtura.

RECIPE.

Mannæ Calabrinæ electæ unc. i. & Sem. dissolv. in aqua Chamom. cui addat. olei amygd. dulc. unc. i. sem. F. P. D. ad Vitrum. Sign. Laxir Trancß auf einmahl zu nehmen. sive RECIPE.

Fol. Sennæ electæ S. St. Drachmus 3. Rhabarb. Crem. Tart. ana Drachmam sem. Cinam. drachmam I. Sem. Foenic. Scrup. unum. Aquæ flor. Chamom. Ceras. nigr. ana unc. 2. M. F. lenis ebullitio, in qua dissolvatur mannæ

mannæ calabrinæ uncia una semis. M. D. ad poculum
 Sign. gelindes Träncklein auf einmahl zu nehmen
 (GÖCKELIUS *loc. cit. pag. 20. 21.*)

§. XXVI.

Dolores, contracturæ & paralyfes artuum & membrorum, non medicamentis calidioribus, sed potius antispasmodicis, nervinis, emollientibus, & oleosis sudoriferis lenioribus, ut Spiritu C. C. balsamico, Spiritu BUSSII, Spiritu CC. succin. cum decocto enulæ, vel vino enulato adsumendi, tractari debent. (HOFFMAN *dissertatione cit. §. 21.*) Qui & externe inunctiones, linimenta & balnea ex regno animali petita & desumpta, maximis effert laudibus. Refert huc fots, ex sanguine porcino, & intestinis aliorum animantium calidos; ut & unguentum quod sic componitur:

R E C I P E.

Axungie humane, sive alius cujusdam animalis unc. i.

Olei Caryophyl. Cinnamom. ana drachmam semis. M.

Hoc linimento calide contracta membra frequentissime sunt inungenda. Ceterum vero Medicus, artis medendi probe peritus, facili opera, illa, quæ in praxi communi de medendi methodo paresis & contracturæ artuum, sunt exposita & edocta, in usum suum convertere valebit.

§. XXVII.

Quod denique spectat diætam, quæ in hoc morbo præ omnibus observanda sedulo, pariter ac attendenda: Hæc ita componi potest: Aër sit nec nimis frigidus, nec calidus, sed quam maxime temperatus. Cibi eligantur, qui a ventriculo facile resolvi & concoqui, bonumque nutrimentum corpori largiri possunt; in quorum censum veniunt juscula animantium varia, ut vitulorum, pullorum gallinaceorum, et quæ vulgo dicuntur Bouillon, decoctum hordei, avenæ, spinachia, lac coctum & serum lactis, poma cum butyro & facho frixa &c. Parte ex adversa evitentur crudi, acidi, sale conditi, fumo indurati &

XXII.

alii concoctu difficiles cibi. Ægrotus quieti studeat; alvus continue sit aperta, affectibus animi fortioribus, quales sunt ira, tristitia, moeror, non indulgeat ægrotus. GÖCKELIUS *loc. cit.* pag. 29. 30.

§. XXVIII.

IDEM quoque, loco potus ordinarii laudat aquam, cum radice chinæ, ligno mastichino & uvis minoribus decoctam; ut & species sequentes.

RECIPE.

Scob. lignor. Sassafr. Lentiscin. Radicis chinæ ana unc. sem. Cinnam. drachmas 2. Anisi drach. 1. Ocul. cancr. præparat drach. 2. M. F. pulvis grossus cui adde Passularum minorum unc. Sem. M. D. ad scatulam. Sign. species zum ordinären Trancß, davon ein starcker Lößfel voll mit einen siedenden Maasß Wasser in einen zugedeckten Krug bis es erkaltet, stehen zu lassen.

§. XXIX.

Fide itaque promissi liberata, jam nihil amplius restat, quam ut adponam methodum & rationem, quæ vinis quibusvis modo corruptis, sine ullo damno & detrimento generis humani, natura ac indoles grata & bona iterum potest conciliari. Peragitur hoc liquore qui sic præparatur: Recipiantur nempe salis tartari unc. 3. fundantur in igne fortissimo, & solvantur in aqua pluviali, aut alia quadam aqua pura & levi. Postea filtretur hic liquor, & ponatur in balneo arenæ, in quo tamdiu retineatur usque dum bullulas formare incipit. His factis, uncia quinque optime præparati & pulverisati cremoris tartari, successive, & quantum cochlear semis capere valet, adjiciatur. Non vero nova adjectio prius tentanda, quam si omnia probe fuerint soluta. Denique adhuc tanta quantitas salis tartari fusi & pulverisati adjicienda, quanta a liquore resolvi potest; quo facto filtretur & servetur usui.

§. XXX.

Hujus liquoris (§. XXIX.) certa quædam quantitas, prouti nempe quantitas vini eandem requirit, in dolium vino corrupto quod est repletum infundatur, (ad magnum dolium, quod vulgo vocatur *Oxhoft*, recipi potest portio dimidia liquoris :) cum eodem tamdiu commixtum relinquant vinum, usque dum salia in eodem omnimode fuerint resoluta, & vinum factum sit clarum & pelucidum. His peractis, committatur alii dolio, ab omnibus impuritatibus quod est liberatum; tumque vinum claritate maxima luxuriabit. Et hoc vinum non solum in corpore humano nil mali excitabit, sed potius effectum salutarem illi præstabit.

§. XXXI.

Testatur denique PARACELSUS, quod coronidis loco adducam, quod *radix caryophyllatæ*, vinis corruptis, & in naturam acidam mutatis indita, eadem iterum grata & salutaria reddat.



